

散曲叢刊
第十種

海浮山堂詞稿

冊三

海浮山堂詞稿卷三 擊節餘音

明臨朐馮惟敏海浮撰 江都任訥中敏校訂

散套

南二犯傍粧臺

旅况

恨匆匆。一鞭行色片時中。到今記不的臨行話。想不起別時容。影孤惟有青燈對。夢斷纔知翠被空。台穿窗月透隙風。一般清冷各西東。

〔前腔〕恨重重。不知何處覓行踪。多應淚似三江水。愁鎖兩眉峯。香銷蘭麝金爐冷。玉減腰圍繡帶鬆。台前

〔不是路〕見面無從廢寢忘餐。百事慵添悲痛。捱不過長夜如年。盼曉鐘。眼朦朧。臥看巫山十二峯。望藍橋無路通。要相逢。枕邊少箇風流種。錦衾誰共錦衾。

誰共

末句原本不疊此從汪本

〔掉角兒〕聽不上凜冽悲風。聽不上嘹唳哀鴻。聽不

上畫角悠揚。聽不上簷鐵丁東。聽不上響當當驚好

夢。冷清清和淚滴。銅壺聲送。合淒涼一弄。離愁萬重。

望雲山天涯咫尺。此恨無窮。

汪本響當當上無聽不上三字

〔前腔〕盼不到倚翠偎紅。盼不到酒釀花穠。盼不到

水月流光。盼不到烟霧空濛。盼不到碧紗窗青玉案。

捲湘簾看楚岫。金鈎雙控。

合前

〔尾〕幾回夢裏廝和鬪。單等歸來兩對同。千里神交

非是空。

南步步嬌

寄情

暮雨朝雲成虛幻。枉把佳期盼。高唐事杳然。夢斷襄

王鈎惹芳心亂。要寫錦花箋。耳邊廂。留不住。天邊雁。
〔鎖南枝〕離別苦。行路難。回頭阻隔千萬山。孤影有
誰憐。清尊有誰勸。教我好難消遣。想的俺情牽。想的
俺肝腸斷。想的俺心邪。想的俺神魂倦。衾也寒。枕也
寒。窗又寒。燈也照孤寒。

〔香柳娘〕望迢迢路遠。望迢迢路遠。一聲長歎。離愁
滿懷。如何不怨。急急煎煎。意懸。急急煎煎。意懸。拆散並頭
蓮。分開交頸鴛。撲簌簌淚連。撲簌簌淚連。也是俺年
災月限。緣薄分淺。

〔園林好〕忘不了花容月豔。忘不了酥胸粉面。忘不
了拈香發願。忘不了耳邊言。忘不了醉中天。

〔江兒水〕想起他風流態。有萬千。吹彈所事都靈便。
解舞腰肢嬌又軟。怎當他不住秋波盼。誰似他言談。

珍傲宋版印
舌辨生爲多才。每日價不茶不飯。

〔僥僥令〕望眼爲誰穿。淚點爲誰彈。一霎兒作念千
千遍。巴不的有情人到枕邊。難捱衾似鐵。怎遣夜如
年。恨殺漏永更長聲不斷。好似滴壺銅海水添。

〔尾聲〕新詞權當音書轉。多囑付青鸞黃犬。是必的
拜上花仙。

南集賢賢

閨思

離愁滿天沒處躲。下香階權當騰挪。離了重幃還較
可。見牛郎阻隔銀河。空耽寂寞。眼睜睜一邊一箇。他
和我百般的離不了愁窩。

〔前腔〕青山淺描雙黛鎖。向天邊望斷秋波。遠樹寒
空煙淡抹。畫眉郎那搭兒磨陀。青春擔閣。要相逢陽

臺一樂無結果。糊突夢當甚麼。嚶囉。

〔黃鶯兒〕烏兔轉如梭。急煎煎把俺磨。一年好景都零落。風兒寒奈何。雁兒叫怎麼。雨絲兒哨的窗兒破。冷呵呵。香腮紅沁。只疑是醉顏酡。

〔前腔〕瘦影伴嫦娥。呆答孩怎動挪。幾樁兒慣把人折挫。疎刺刺帳羅。虛空空被窩。淒涼淒涼長夜捱不過。眼強合。難禁枕冷。又添上淚痕多。

〔貓兒墜〕雲鬟重整。宮樣綰青螺。何日粧臺展翠蛾。幾時繡榻兩情和。因他悄一似倩女離魂。病染沉痾。〔前腔〕扁舟閑繫。盡日漾金波。水冷霜清舞敗荷。江湖滿地一漁蓑。蹉跎卻不道孤負幽期。對景吟哦。

〔尾聲〕四時光景堪行樂。百歲芳春有幾何。及早回還錦繡窩。

南黃鶯兒

勸色目人變俗

中國有戎狄。邇傳流自古昔。華夷一統承平世。喫的好食。穿的好衣。進門來一陣臊羶氣。細尋思。試虛心勸你。休發犬羊威。

〔前腔〕暇日會親識。狗西番坐上席。五湯三割全不覷。手托着蛋披。口嘶着蛋喫。蘸白鹽解不了雞腸氣。有差池。對青天發誓。拍口喫猪脂。

〔不是路〕堪嘆回回。生不惺惺死着迷。難存濟。不信陰陽不請醫。愛家私。顧不得衣衾不整齊。下場頭只自知。現放着有幫無底千家器。是何家禮。

〔掉角兒〕望西方天遙路迷。在中原看生見死。總不如隨鄉入鄉。早做箇子孫之計。再休提塔不刺散不

撒答兒麻哈兒哇。腥膻滋味。清齋難記。徒勞受飢。最難熬。千金一刻。星月圓時。

〔前腔〕讀的是孔聖之書。且收拾梵經胡語。穿的是靴帽羅襪。打疊起纏頭左髻。再休提猪爹爹狗奶奶。胡姑姑假姨姨。腥膻遺類。更名換字。用夏變夷。勸伊行還同中國。一樣行持。

〔十一時〕移風易俗非虛語。出谷遷喬爾自思。休把良言作戲詞。

南呂一枝花

嘲友人試琴

也曾將百體篆填滿龍鳳箋。也曾把一腔春點作昆蟲畫。也曾扳萬丈梯探月窟。也曾搦三寸斧砍天葩。高手名家。團弄的琴心怕。搬調的風韻滑。止不過古

傳流一派僊音。又打上巧做作千般指法。

〔梁州〕你試將花閃閃的錦囊兒寬褪。俺索把玉纖織的銀甲兒安插。不由俺一雙妙手齊齊下。一壁裏抹挑勾剔。一壁裏吟猱撞打。一壁裏往來綽注。一壁裏滾拂潑刺。只俺這手腕兒不識住受了波查。只俺這指頭兒不移時告了消乏。捏挪了雁足蜂腰妙相兒。可誇摩拏了蛇腹牛毛斷紋兒。非假。打量了龍池鳳沼。闢眼兒堪拿。枕他抱他。怎下的一霎兒牆頭上掛。下手裏擰。上手裏掐。兜的箇百樣聲音背不的咱罷了也。三弄梅花。

〔尾〕人都道攛行貨眼前新宜時。所事堪擡價。俺只道傳世寶。天生舊見廣經多。自掩瑕。他是箇古的兒。怎與時俗品高下。者麼您撥弄的拍滑。丟答的手乏。

使一箇訪友携琴賣乖法。琴友郭茂才納姬名梅花。揮之非愜。遣之弗果。因以

琴嘲焉。郭善篆隸法。畫草蟲。

中呂粉蝶兒

李爭冬有犯

錦繡叢中。隨葫蘆也曾打闕。俺也曾駕孤航湖海飄蓬。也曾步瑤京。攜玉手乘鸞跨鳳。也曾伴嫦娥身在蟾宮。也曾泛桃花誤入武陵仙洞。

〔醉春風〕但有箇詩朋酒友共開尊。少不得倚玉偎香珠翠擁。他那裏倒身下拜笑相迎。我這裏也拱拱受用些花徑鶯歌。蘭堂燕舞。松窗鶴夢。

〔紅繡鞋〕怕的是村沙懵懂。喜的是剔透玲瓏。但遇着拿班做勢是相衝。使盡了氣力兒扭。也挾着膊項兒雄。只因俺好性兒使不的猛。

〔滿庭芳〕見了那行家不同。丰姿典雅。禮貌謙恭。把似你做喬腔。怎得人知重。惹釁招風。又不是賽名花。貂蟬愛寵。又不是鎖春風。銅雀深宮。又不是襄王夢。巫山翠聳。人在最高峯。

〔耍孩兒〕只因他鬢邊半露雙釵鳳。鈎引的行人簇擁。春心飄蕩逐西東。原來是浪蝶狂蜂。顛狂體態如飛絮。浪蕩腰肢似轉篷。長街短巷鑽人空。騎着頭木驢兒。戳礮。戴着箇罨眼兒。粧聾。

〔十五煞〕敗風俗情怎饒。壞綱常法不容。須不是平地干戈動。饒他海闊魚投網。一任天空鳥入籠。沒來由。倒往高枝送。俺只道雲泥間隔。誰承望魚水和同。〔十四煞〕老鴉兒一樣黑。窩狗兒一攢風。蓮花盆打在荷花甕。自古道除了當行都是離。拿到當官也是

空一家兒。怎着他人弄。謹按着九宮八卦。認定了六第三兄。

〔十二煞〕乾人情面皮薄。冷衙門法度鬆。乾坤上下成何用。那廝每龍蛇不辨。傷王化。這廝每貓鼠同眠。玷士風。喬相識廝和鬪。見面錢花銀十兩。答賀禮水酒三鍾。

〔十一煞〕又無升斗才。又無尺寸功。毛椽兒怎做雕梁棟。龜頭逞起心中大。驚蓋掀開腹內空。料應走不出。挫腰甕。等的你頭兒搖了。敲的你蓋兒生疼。

〔十煞〕也不論短共長。又不知吉與凶。到晚來做了箇瓜瓞夢。牀前拖下三魂喪。枕上揪來四鬢蓬。猪毛繩牽出花胡洞。赤緊的項圈兒怎解。紐扣兒難鬆。〔十煞〕牽不上窟窿橋。剜不出混腦蟲。前呼後擁相

隨從兩行排列。貔貅士八字分開。虎豹叢一齊下手。將人弄。那幾位好哥哥幫襯。看一眼小妹妹着疼。幫襯

原作幫寸

〔九煞〕撈指兩頭齊。批頭一片紅。兩般兒任意隨身用。筋連十指鑽心竅。血染雙臀入子宮。皮開肉裂花心動。這其間破了的誰補。綻了的誰縫。

〔八煞〕初來不詫生。嘗新不犯重。幾乎險把殘生送。說不的肉賤骨頭貴。避不的人生面不同。精皮膚到處人摩弄。戰兢兢聲如酒噤。跳梭梭手似茶風。

〔七煞〕黑洞洞門牆不見天。密匝匝荆棘不透風。枷杷吊鎖難移動。白日價傷心舉眼無親故。到晚來饒命連聲叫禁公。亂紛紛多少囚徒共。趁着箇就地滾的官鋪巴着箇等飯喫的窟窿。

〔六煞〕叫一聲取口詞。畫十字填草供。滿堂人納喊。如雷動。小牌子一十還較可。大牌子二十越覺疼。撒花蓋頂程程重。掙了箇鯉魚跌脊。滾了箇蝴蝶翻風。〔五煞〕只爲你將磚要比天。是鬼刮陣風。稍螞蚱展作丹山鳳。賴蝦蟆出水金精獸。屎蜣螂爬山鐵爪龍。麻蒼蠅也把神童弄。原來是三變化的白鮮。兩倒手蛆蟲。

〔四煞〕又不是嶺頭梅。又不是澗底松。又不是高岡修竹棲鳴鳳。怎似得歲寒三友人爭羨。晚節孤芳誰與同。毛條兒敢把輕薄弄。眼見的飛花隨水。幾曾有敗葉爭冬。

〔三煞〕謊花兒世不香。鬧枝兒似草蓬。葉噪兒苦李如何用。磣科兒那得好結果。歪根子全無豔冶容。生

生的辱沒殺桃源洞。也不是中喫的果子。原來是希爛的衙衙。

〔二煞〕又不是平頂黃。又不是雁過紅。似這般低種誰人種。成不的模樣實難賣。上不的擡盤總是空。眼兒酸蜇的牙根痛。你家有鑽核祕法。誰理論擲果淫風。

〔一煞〕我道你有眼不見機。無才只死充。那些兒知高知下知輕重。再休提見驚識怪人擡獎。全不想做小伏低自弄窮。爲甚麼扯着拉着人不動。下顧你似靴筒裏摸腿。攀援俺似食店裏回蔥。

〔尾〕忍疼換曉粧。含羞整舊容。一尿胞打醒了胡都夢。從今後再休將大氣兒捅。

官妓李爭冬。恃姿容驕怠。嘗騎過市。遇縫掖不爲意。怒付之官。官不能理。士人聞於內。傳令杖之。自

後此輩知謹畏云。

仙呂點絳脣

僧尼共犯第一折

苦海無涯。業根難化。空悲咤。無室無家。一點心牽掛。
〔混江龍〕都一般成人長大。俺也是爹生娘養好根
芽。又不是不通人性。止不過自幼削髮。一會價按不
住春心垂玉筍。一會價盼不成配偶咬銀牙。正諷經
數聲歎息。剛頂禮幾度嗟呀。要求箇善男信女擔驚
怕。總不如空門淨土。當夥兒戀酒貪花。

〔油葫蘆〕自古道僧尼是一家低答。每日價撞頭磕
額有根查。一箇遞陽局斜倚回廊下。一箇挑春情偷
將禪杖打。按不住齷齪心。聽不上腌臢話。誰道俺頭
陀每不光滑。

〔天下樂〕口念着救苦救難善菩薩。冤家可喜殺發慈悲單。等你和咱。開禪堂燒一炷香。入禪房遞一盞茶。上禪牀結一段好緣法。

〔那吒令〕俺到了您家人。只說是他。您到了俺家人。只說是咱。混做了一家。半星兒不差。頂老兒一樣圓。撇道兒一般大。胡廝賴一迷裏虛花。

〔鵲踏枝〕分不出我和他。辨不的真共假。恰便似兩箇尿胞。一對西瓜。蘑菇頭一弄兒齊磕打。精禿驢越顯的圓滑。

〔寄生草〕呀。一箇念波羅密。一箇念摩訶薩。鼓捶兒敲打的蓼蓼乍。鐃鉦兒拍打的光光乍。鉢魚兒抓打的膨膨乍。昏沉了半晌出陽神。這其間色膽天來大。〔么〕他他他纏着俺。俺俺俺纏着他。瓢頭兒比着葫